

39

SANCTISSIMI DOMINI NOSTRI DOMINI
INNOCENTII
DIVINA PROVIDENTIA
PAPÆ XII.

Confirmatio, Innouatio, & Extensio Constitutionis
Alexandri VII. de datis, & promissis pro Iustitia,
vel Gratia apud Sedem Apostolicam
obtinenda.



ROMÆ, Typis Reuerendæ Cameræ Apostolicæ.
M D C C.

SANCTISSIMO DOMINI PATRI DOMINICANO

INNOCENTII

DIVINO PROPHETA

PAULI

APOSTOLI
ALEXANDRI
PAPAE



ROMAE
MDCCLXXII

INNOCENTIVS

EPISCOPVS

SERVVS SERVORVM DEI

Ad perpetuam rei memoriam.



SACERDOTALEM, & Regiam Urbem nostram innumeris Diuinæ largitatis muneribus decoratam, quemadmodum inter omnes per vniuersum terrarū Orbem Ecclesias solitudini nostræ diuinitus demandatas peculiari affectu diligimus; sic mundam, & immaculatam custodire satagimus, ac omni, quo possumus, studio laboramus, agnoscentes profectò, quàm deceat, vt quæ per B. Petri Sedem caput Orbis effecta est, exempla bonorum operum in corpus omne diffundat; ibique potissi-

imum charitatis, iustitiæ, virtutumque omnium splendor effulgeat, vbi Diuinæ Fidei dispensantur oracula, & Christiani viget Sacerdotij principatus.

Quoniam verò eiusdem Almæ Urbis, Romanæque Curia decori nihil æquè videtur officere; quàm si iustitiæ, Gratiæque negotia, quæ magno numero in dies ex omnibus Catholica Ecclesia partibus ad Sedem Apostolicam deferuntur, non ea, qua decet, integritate, & ab omni procul avaritiæ suspitione expédiantur; propterea fel. rec. Alexander Papa VII. prædecessor noster nonnullorum Romanorum Pontificum, & lignanter recol. me. Bonifacij VIII. & Gregorij XIII. pariter prædecessorum vestigijs inhærendo, eorumque Apostolicas Constitutiones hac de re editas innouando, & ampliando, quasdam suas in forma Brevis desuper literas promulgauit, tenoris qui sequitur, videlicet: Alexander Papa VII. Ad perpetuam rei memoriam. Inter grauissimas, multiplicesque curas, quæ ex debito pastoralis officij humilitati nostræ diuinitus commissi Nobis assiduè incumbunt, illam peculiari studio amplectimur, vt iustitiæ, & Gratiæ expeditiones, quæ apud Sedem Apostolicam in dies obtinentur, ea, qua par est, rectitudine peragantur, nec pernicioso cuiusquam circa illas excessu Romanæ Curia existimatio vllatenus lædatur, sed ipsa Curia in omnibus præclara semper splendeat lau-

de integritatis, & abusus quicumque ab illa procul arceantur. Quapropter opera pretium facturos Nos existimamus, si ea, quæ à nonnullis Romanis Pontificibus Prædecessoribus nostris simili consilio providè sancita sunt, vt in posterum firmitus obseruentur, innouemus, illaque declaremus, & extendamus, prout in Domino arbitramur rationi esse consentaneum.

Dudum siquidem emanarunt à fel. record. Bonifacio VIII. & Gregorio XIII. Romanis Pontificibus Prædecessoribus nostris literæ tenoris, qui sequitur, videlicet: Excommunicamus, & anathematizamus ex parte Dei omnipotentis Patris, & Filij, & Spiritus Sancti; auctoritate quoque Beatorum Apostolorum Petri, & Pauli, & nostra omnes Clericos, Religiosos, & Laicos vtriusque sexus, siue sint familiares Curie, siue alij vndecunque, qui aliquod pactum fecerint, seu aliquod paruum, vel magnum promiserint, vel promissionem receperint, aut ex pacto, siue promissione occulta, vel manifesta facta sub generalibus, & plenariè non expressis, siue sit sub specialibus, & expressis apertè verbis quicquam dederint, aut receperint magnum, vel paruum, vel promissionem de quacunque re, aut vtilitate, propter hoc consequenda fecerint, vel receperint pro aliqua iustitia, siue Gratia pro se, aut pro alio in causis, vel iudicijs, seu aliàs per literas Apostolicas, & quibuscunque modis apud Sedem Apostolicam obtinenda.

Et hanc sententiam ad promittentes, & acceptantes, dantes, & recipientes duximus extendendam.

Illos quoque, qui aliquem sciuerint culpabilem in prædictis, & Nobis intra dierum trium spatium non retulerint, vel alicui, per quem ad Nos verbum fideliter perferatur, simili decernimus sententiæ subiacere.

Decernimus etiam, vt nullus hanc incurrens excommunicationis sententiam pro prædictis, vel aliquo prædictorum (absque speciali mandato) nostræ absolutionis beneficium valeat obtinere; nisi forsan ad Nos habere accessum non posset, in mortis articulo constitutus: nec etiam ad absolutionis gratiam admittatur; nisi prius, quantum dedit, vel recepit, integraliter pauperibus largiatur.

Iustitiam verò, siue gratiam sic obtentam nullius prorsus esse momenti volumus; omnique statuimus carere effectu, & robore firmitatis.

Sed & scienter vtentes ipsis simili sententia excommunicationis adstringimus, & reseruantes Nobis absolutionem eorum cum præmissis in omnibus ad pœnas similes obligamus.

Gregorius Episcopus Seruus Seruorum Dei Ad perpetuam rei memoriam. Ab ipso Pontificatus nostri principio, quàm maximè possumus, enitimur, atque contendimus, vt domus, & Curia nostra à sordibus expurgentur.

Cui salubri consilio incumbens fel. rec. Bonifacius Papa VIII. excommunicauit, & anathematizauit omnes Clericos, Religiosos, & Lai-

Laicos vtriusque sexus siue familiares Curiae, siue vndecunque alios, qui aliquod pactum facerent, seu quid paruum, vel magnum promitterent, vel promissionem reciperent, aut ex pacto, vel promissione occulta, vel manifesta, siue sub verbis generalibus, & plenè non expressis; siue specialibus, & apertè expressis facta quicquam darent, aut reciperent pro Iustitia, siue Gratia, siue pro se, siue pro alio in causis, vel iudicijs, seu aliàs per literas Apostolicas, & quibuscunque alijs modis apud Sedem Apostolicam obtinenda, & eam sententiam ad promittentes, & acceptantes, dantesque, & recipientes duxit extendendam. Illos etiam, qui sibi intra tri-duum non renunciarent eum, quem in culpa esse scirent, vel alicui, per quem ad se fideliter referretur, simili voluit sententiæ subiacere; ac decreuit, vt nullus hanc incurrens ex-communicationis sententiam absque speciali mandato suo absolu-tionis beneficium valeret obtinere, nisi in mortis articulo consti-tutus: sed nec quisquam admitteretur ad absolutionis gratiam; nisi prius erogatum esset pauperibus, quantum ille dedisset, vel etiam recepisset. Iustitiæ verò, siue Gratiae expeditiones sic ob-tentæ nullius prorsus essent roboris, vel momenti; & scienter il-lis vtentes simili sententia innodauit, ac reseruans sibi absolu-tionem eorum cum prædictis ad poenas similes in omnibus obli-gauit.

Sed hoc scelus ita hodie in mores inductum est, vt plerique cupi-ditate improbi quæstus potentiorum suffragationibus adnixi, huiusmodi negotiorum expeditiones hac illac conquirentes, tur-pissimè nundinentur; alij alios, quos gratia præstare arbitrantur, donis, & pollicitationibus ambiant; quidam etiam se talium operam, atque industriam pretio, & muneribus quæsisse affin-gant; quæ cum pessima sint, & Curiae prædictæ existimationem grauissimè offendant, in eos, qui talia agunt, animaduertendum fore arbitrati, Constitutionem prædictam cum suis censuris, & poenis omnibus innouamus, easdemque omnes extendimus ad audentes qualecunque horum facinorum, quæ adscripsimus, dantesque illis, & alijs supràdictis auxilium, consilium, vel fauo-rem.

Quin etiam eos omnes omni beneficio, & officio Ecclesiastico, & læculari, siue temporali, siue perpetuo ipso iure priuamus, ac priuatos esse declaramus, & præterea infamiæ subiectos perpetuò, ac inhabiles ad illa, & alia esse volumus. A quibus etiam, prout quæque res erit, tales poenæ exigantur, quæ cæteris sint exemplo. Illis tamen, qui rem adhuc incognitam, complicesque, fauto-res, & socios retexerint, impunitas concedatur. Datum Ro-mæ apud Sanctū Petrum Anno Incarnationis Dominicæ millesimo quingentesimo, septuagesimo quarto, Nonis Nouembris, Pontifi-catus nostri Anno tertio.

Cum autem subinde variæ vulgatæ fuerint prædictarum Boni-facii, & Gregorij prædecessorum Constitutionum interpreta-tiones

276
tiones, quarum aliqua ipsarum Constitutionum rigorem non sine earum utilitatis diminutione, & boni publici detrimento contra eorundem prædecessorum mentem nimium relaxant: hinc est, quodd Nos omnem, quæ circa præmissa in posterum enasci posset, dubitationem tollere, & quamcunque speciem, suspensionem, & occasionem damnatæ per Constitutiones huiusmodi labis à Curia prædicta, quantum Nobis ex alto conceditur, perpetuò excludere cupientes, Motu proprio, ac ex certa scientia, & matura deliberatione nostris, deque Apostolica potestatis plenitudine easdem præinfertas Bonifacij, & Gregorij prædecessorum Constitutiones cum omnibus, & singulis censuris, & pœnis, ac alijs quomodolibet contentis in illis (sublatâ tamen reuelandi obligatione) tenore præsentium perpetuò confirmamus, innouamus, & aduersus quemcunque non usum, seu contrarium usum, qui quoquo modo prætendi posset, restituimus, & plenariè reintegramus.

Ac in eisdem Constitutionibus casus, in quibus aliquid promittitur, datur, accipitur, vel deponitur pro Iustitia, vel Gratia, siue in spiritualibus, siue in temporalibus, & mixtis apud Sedem prædictam, & non solum ab ipso Romano Pontifice, verum etiam à quibuscunque eius Ministris, Iudicibus, & Officialibus, etiam Episcopis, & Sanctæ Romanæ Ecclesiæ Cardinalibus, & alia qualibet Ecclesiastica, vel mundana dignitate, & auctoritate præditis, & fungentibus, aut ab alijs gratia, vel favore pollebentibus etiam eidem Summo Pontifici consanguinitatis, seu affinitatis gradu quocunque coniunctis, seu attinentibus, etiam Laicis obtinenda in alma Vrbe, aut in alio quocunque loco, in quo dictam Curiam esse contigerit, comprehendendi decernimus, & declaramus.

Præterea Constitutiones huiusmodi non tantum in actionibus iure naturali, & diuino prohibitis, quia malæ sunt, sed etiam in alijs, quæ ideo malæ sunt, quia iure humano, & prædictis Apostolicis Constitutionibus, ac præsentî nostra interduntur, locum habere. Necnon mediatores siue immediatos, siue mediatos quotquot, & quicunque sint, & quauis dignitate, præeminentia, auctoritate, favore, consanguinitate, atque affinitate, vt præmissum est, polleant, & præfulgeant.

Ac etiâ promissiones, seu verba promissoria, dationes, & receptiones factas ob bonum finem comprehendere, nec earum dispositionem, ac pœnas euitari posse in casibus, in quibus cesset suspicio mali.

Deinde illos etiam comprehendere, qui pro aliorum Iustitia, vel Gratia quomodolibet impedienda, vel differenda aliquid dant, & recipiunt, vel deponunt, promittunt, seu pollicentur, vnde alijs damnum, vexatio, vel molestia quomodocunque inferri, & resultare posset, & mediatores quoscunque immediatos, siue mediatos.

Insuper quæcunque verba, seu signa etiam æquiuoca quouis modo apta inducere quamcunque obligationem iustitiæ, aut fidelitatis in principali, seu mediatore, etiam sub titulo remunerationis, vel gratitudinis à Constitutionibus supradictis prohiberi.

Quin-

511

Quinimo non licere quicquam promittere, dare, vel accipere quibuscunque ludicibus, Ministris, Officialibus, & alijs auctoritatem, aut potestatem habentibus, nec quibuscunque mediatori-
bus pro defensione iuris quæsiti, siue executione quærendi, etiam ad redimendam iniustam vexationem, motu, scientia, delibera-
tione, potestatis plenitudine, & tenore prædictis decernimus pa-
riter, & declaramus.

Ad hæc dationes, promissiones, & acceptationes pro gubernijs, vel alijs quibuscunque officijs, & muneribus etiam minoribus obtinendis, siue pro vnica vice, siue in singulos annos, aut menses, vel aliter quomodocunque à Constitutionibus prædictis interdi-
ci; neque ludicibus, Ministris, ac Officialibus pro Gratia, vel Iustitia obtinenda, etiam in his, quæ dependent ab eorum arbitrio, & ad quæ obligatione iustitiæ non tenentur, quicquam dare, aut promittere, nec ipsis accipere licere.

Neque etiam permissum esse Officialibus, vel Ministris dictæ Sedis in prouisionibus, seu earum occasione quorumcunque officiorum etiam iurisdictionem, vel eius exercitium annexum non habentium imponere pensionem vllam, responsionem, præstationem, vel onus, seu partem aliquam commodi, vel emolumenti ad sui, vel alicuius alterius cuiuscunque fauorem reseruare absque expressa, & speciali in singulis casibus nostra, & Romani Pontificis pro tempore existentis licentia in scriptis in singulis casibus ab vtraque parte obtinenda.

Insuper exigentes à partibus, vel alijs interesse habentibus, seu Agentibus, ac mediatoribus quibuscunque pollicitationes, promissiones, pacta, vel recipientes aliquid sub assertione, quod ludicum, Ministrorum, Officialium, aut Magnatum, seu aliorum quorumcunque operam, auctoritatem, vel officia pretio, vel muneribus, aut promissionibus huiusmodi comparauerint, seu quæsiuerint.

Necnon pollicitantes, promittentes, offerentes, ac tradere tentantes, licet pollicitatio, promissio, & oblatio non fuerint acceptatæ, neque traditio secuta, nullumque habuerint effectum.

Ac etiam illos, qui, ex eo quod gratias, & fauores ipsis ob familiaritatem, obsequia, ac seruitia proprijs Dominis, vel alijs præstita debitos, seu ab ipsis speratos in aliorum cum propria eiusmodi iuris, vel spei iactura commodum, & beneficium transferunt, conuertunt, & impendunt, pro Gratia, seu Iustitia pro eis obtinenda, aliquid recipiunt, sub memoratis Constitutionibus contineri, illarumque pœnis, & censuris subiectos esse.

Pro actuali verò labore circa expeditionem impetratorum non licere Officialibus, Curialibus, & alijs quibuscunque recipere, nec illis polliceri, promittere, vel cum eis pacisci nisi mercedem labori conuenientem.

Iudicibus autem, Officialibus, & Ministris quibuscunque, quibus incumbit expeditio Gratiæ, vel Iustitiæ, minimè permitti quidquam recipere, neque illis polliceri, promittere, vel cum eis pacisci

113
ultra taxas præscriptas etiam ratione celerioris, aut facilioris expeditionis.

Quin etiam illicitum esse quidquam magnum, vel paruum Iudici-
bus, ac Ministris quibuslibet offerre, promittere, pacisci, seu pol-
liceri, dare, vel ipsis recipere mediâtè, vel immediâtè, etiam
quod eorum animum mouere non possit, pro, Gratia vel Iustitia
obtinenda.

Demum supradictarum Constitutionum dispositionem, censu-
ras, & pœnas non censi abolitas, vel sublatas ob scientiam, pa-
tientiam, seu tolerantiam Romani Pontificis per quemcunque
etiam longissimi temporis cursum, nisi speciali licentia, vel indul-
to in vnoquoque casu à singulis partibus in scriptis particulariter
obtinendo fuerint expressè remissæ, motu, scientia, delibera-
tione, potestatis plenitudine, & tenore paribus decernimus, sta-
tuimus, & declaramus.

Præfatasque Constitutiones, ac censuras, & pœnas in eis contentas
ad omnes, & singulos casus supra expressos, quatenus opus sit,
extendimus, & ampliamus.

Præterea easdem Bonifacij, & Gregorij Prædecessorum Constitu-
tiones per alteram piæ mem. Clementis Papæ VIII. prædeces-
soris pariter nostri, quæ incipit. Pro commissa, Anno Incarnatio-
nis Dominicæ 1592. decimo octauo kalend. Septembris editam ad
cæteras Ditionis temporalis S. R. E. Ciuitates, & loca immediâtè
subiecta (præterquam quoad bona Communitatum) minimè ex-
tensas fuisse, neque per hanc nostram extendi; sed eos quidem
omnino comprehendere, qui in alijs locis eiusdem Status Ec-
clesiastici, & cuiusvis alterius partis Mundi existentes pollicen-
tur, promittunt, paciscuntur, mittunt, vel dari faciunt per lite-
ras, vel mediatores, vel aliter quomodocunque, & qui ab eis
recipiunt contra dictarum Constitutionum dispositionem quid-
quam magnum, vel paruum pro Iustitia, vel Gratia apud Sedem
prædictam obtinenda, declaramus pariter, & statuimus.

Postremò tametsi credamus, & speremus in Domino nunquam
euenturum, vt aliquis ex Venerab. Fratribus nostris Epi-
scopis, Archiepiscopis, Metropolitanis, Primatibus, & Patriar-
chis, aut in quacunque alia etiam superiori Ecclesiastica quan-
tumuis sublimi, & speciali nota digna constitutis dignitate in præ-
missis quoquomodo delinquat; quia tamen diligentiam nostram
in remouendis ab eadem Curia abusibus quibuslibet abundare
potius, quàm in aliquo deficere volumus, etiam Episcopos, Ar-
chiepiscopos, Metropolitanos, Primates, ac Patriarchas, cate-
rosque in quacunque alia etiam prædictis superiori, ac quan-
tumuis sublimi, & speciali nota digna constitutos dignitate etiam-
si per nostras, & Cancellariæ nostræ Apostolicæ regulas cautum
sit, quòd illi Constitutionibus per Nos editis, & edendis non
comprehendantur, nec comprehensi censeantur, nisi in eisdem
Constitutionibus facta fuerit ipsorum expressa mentio, in præ-
dictis Constitutionibus, vt præmittitur, declaratis, & extensis, ac
in

in præfenti nostra quoad censuras comprehendî, motu, scientia, deliberatione, potestatis plenitudine, & tenore similibus statuimus,

Porro xenia solita, esculenta, & poculenta, quæ ludicibus, Ministris, & Officialibus Romanæ Curia exhiberi consueuerunt, præfatis prædecessorum nostrorum literis, ac præsentibus nostris minimè prohibita fuisse, nec prohiberi decernimus.

Declarantes per præsentem nostram Constitutionem non censi abrogatam Constitutionem similis recordat. Pij Papæ V. etiam prædecessoris nostri contra ambientes dignitates, & officia iurisdictionis administrationem habentia, eaque pretio, seu promissione procurantes, quæ incipit: Etsi Romani, &c. Nonis Decembris, Anno sexto eius Pontificatus emanatam, sed illâ, ac cæteras ipsius Pij prædecessoris, & aliorum Romanorum Pontificum prædecessorum nostrorum quorumcunque Constitutiones, Ordinationes, Canones, & Decreta in hac materia, vel circa eam hætenus edita, ac nostram, & Cancellariæ Apostolicæ regulam 67. qua statuimus, vt Officiales Romanæ Curia prædictæ nihil exigant ultra debitum, in suo robore remanere.

Ac decernentes præfentes literas, & in eis contenta quacunque, etiam ex eo quodd prædicti, & alij quilibet etiam speciali nota, & expressione digni in præmissis interesse habentes, seu habere quomodolibet prætendentes illis non consenserint, nec ad ea vocati, & auditi, seu causæ, propter quas eadem præfentes emanarunt, adductæ, verificatæ, aut iustificatæ vllatenus fuerint, vel ex alia quacunque quantumuis iusta, legitima, iuridica, & privilegiata causâ, colore, prætextu, occasione, & capite etiam in corpore iuris clauso nullo vnquam tempore de subreptionis, vel obreptionis, aut nullitatis vitio, vel intentionis nostræ, seu interesse habentium, & aliorum quorumcunque consensus defectu notari, impugnari, inuolidari, restringi, limitari, ad viam, seu terminos iuris reduci, in ius, vel controuersiam reuocari, aut aduersus illas quodcunque iuris, facti, vel gratiæ remedium impetrari, seu etiam motu simili concessio quempiam in iudicio, vel extra illud vti, seu se iuuare posse, neque ipsas præfentes sub quibusvis similibus, vel dissimilibus Constitutionum, ac declarationum, & extensionum reuocationibus, limitationibus, suspensionibus, seu alijs contrariis dispositionibus vnquam comprehendî, aut comprehensas censi, sed semper ab illis exceptas, & quoties illæ emanabunt, toties in pristinum, & validissimum statum restitutas, & plenariè reintegratas esse, & censi, firmasque, validas, & efficaces existere, & fore, ac ab omnibus, & singulis prædictis, & alijs, ad quos spectat, & pro tempore quodocunque spectabit, cuiuscunque qualitatis, dignitatis, ordinis, gradus, & conditionis fuerint, perpetuò inuiolabiliter, & inconcussè obseruari.

Sicque, & non aliter in præmissis omnibus, & singulis per quoscunque iudices Ordinarios, & Delegatos etiam causarum Palatii Apostolici Auditores, ac Sanctæ Romanæ Ecclesiæ Cardinales
etiam

etiam de latere Legatos, necnon Curia, & Urbis prefatarum, Iudices, Officiales, & Ministros, & alios quoslibet quavis auctoritate, & potestate fungentes, & functuros, sublata eis, & eorum cuilibet quavisaliter iudicandi, & interpretandi facultate, & auctoritate, iudicari, & definiri debere, ac irritum, & inane, si quid secus super his à quoquam quavis auctoritate scienter, vel ignoranter contigerit attentari.

Non obstantibus de iure quaesito non tollendo, & quod Cardinales non comprehendantur sub regulis, & Constitutionibus editis, & edendis nisi in eisdem facta fuerit ipsorum expressa mentio, ac cæteris nostris, & Cancellariæ prefatæ regulis, alijsque Constitutionibus, & Ordinationibus Apostolicis, etiam Conciliaribus, necnon earumdem Urbis, & Curia, ac illarum Tribunalium quorumvis, & alijs quibuslibet etiam iuramento, confirmatione Apostolica, vel alia quavis firmitate roboratis, stylis, visibus, & consuetudinibus, etiam immemorabilibus: priuilegijs quoque, indultis, Motuum priorum cedulis, Chirographis quorumcunque Romanorum Pontificum prædecessorum nostrorum manu subscriptis, ac literis Apostolicis sub quibuscunque verborum tenoribus, & formis, ac quibusvis etiam derogatarum derogatorijs, & alijs efficacioribus, & insolitis clausulis, & decretis etiam irritantibus, in genere, vel in specie, etiam motu simili, consistorialiter, ac aliàs quomodolibet in contrarium præmissorum concessis, confirmatis, & innouatis. Quibus omnibus, & singulis etiam si pro sufficienti illorum derogatione de illis, eorumque totis tenoribus specialis, specifica, expressa, & indiuidua, ac de verbo ad verbum, non autem per clausulas generales idem importantes mentio, seu quavis alia expressio facienda, aut aliqua alia exquisita forma ad hoc seruanda foret, illorum omnium, & singulorum tenores, formas, & occasiones, ac alia etiam speciali expressione digna præsentibus pro plenè, & sufficienter expressis, insertis, & seruatis respectiue habentes, illis aliàs in suo robore permansuris, ad præmissorum effectum specialiter, & expressè derogamus, ac derogatum esse volumus, cæterisque contrarijs quibuscunque.

Vt autem eadem præsentis literæ omnibus innotescant, & ne illarum ignorantiam allegare valeat, volumus, vt illæ, seu earum exemplum ad valuas Basilicæ Principis Apostolorum, ac Dataria nostræ, Cancellariæ prædictæ, necnon in acie Campi Floræ de eadem Vrbe per aliquem ex Cursoribus nostris, prout moris est, publicentur, & affigantur, quæ sic publicatæ, & affixæ omnes, & singulos perinde afficiant, ac si illis personaliter intimatæ fuisset. Quodque illarum transumptis etiam impressis, manu Notarij publici subscriptis, & sigillo alicuius personæ in Ecclesiastica dignitate constitutæ munitis eadem prorsus fides in iudicio, & extra illud adhibeatur, quæ ipsis præsentibus adhiberetur, si forent exhibitæ, vel ostensæ. Dat. Romæ apud Sanctam Mariam Maiorem sub Annulo Piscatoris die 2. Maij 1656. Pontificatus nostri Anno secundo.

Quam.

Quamuis autem Constitutionis præfatæ tenorem ab omnibus Romanæ Curiaë ludicibus & Ministris religiosè seruari publicè per se pateat, nobisque maximè compertum sit, & quamplurimis optimis, integrisque Aduocatis, Procuratoribus, Agentibus, Expeditoribus, alijsque negotiorum Gestoribus, & Officialibus eadem Curia, miserante Domino, abundet: nihilominus ad euitandas fraudes, quæ quandoque eueniunt, eò quia fortasse aliqui turpis lucri gratia in Curia moram trahentes non cessant Curiam ipsam apud exterarum gentes diffamare cum eorum epistolis, notulis, seu listis, quas transmittunt Principalibus, seu Corresponsalibus, in quibus petunt pecunias pro muneribus dandis, vel affingunt munera dedisse Ministris Gratiaë, vel Iustitiaë, alijsque in dicta Constitutione Alexandri VII. contentis, de nonnullorum Venerabilium fratrum nostrorum Sanctæ Romanæ Ecclesiæ Cardinalium, & dilectorum filiorum Romanæ Curiaë Prælatorum, quibus id rei examinandum commisimus, consilio, hac nostra perpetuè valitura Constitutione præinsertas Alexandri prædecessoris literas cum omnibus & singulis censuris, pœnis, alijsque in eis contentis confirmamus, approbamus, & innouamus, ac aduersus quemcunque non vsum, seu contrarium vsum, qui quomodo prætendi possit, restituimus, & plenariè reintegramus.

Easdemque literas, & in eis contenta quacunque, etiam quoad censuras & pœnas, omnes & singulos Agentes, Expeditores, Procuratores, ceterosque Curiales, negotiorum Gestores, aliasque personas tam Sæculares, & Ecclesiasticas, quàm cuiusvis Ordinis, & Instituti, etiam necessariò exprimendi, Regulares ad Urbem missas, vel in ea existentes, & pro quibuscunque exteris, & forensibus cuiuscunque status & conditionis, & quacunque dignitate etiam maxima & maiore fulgentibus, etiamsi speciali, & indiuidua nota digni sint, etiam Capitulis, & Religionibus suis Iustitiam, aut Gratiam procurantes, & Principalibus, seu Corresponsalibus scribentes, aut notulas transmittentes, siue per Nuncium, aut aliàs quomodolibet etiam per interpositas personas significantes, aut insinuantes, se pro impetranda Iustitia, vel Gratia, aut post earundem impetrationem munera tradidisse, aut ea necessaria esse, siue animo reuera munus dandi, siue affingendi & simulandi id egerint, etiam sub prætextu redimendæ vexationis omnino iniustæ, & euidentis, etiam in casibus, in quibus Principalis rem possideat, aut quoddam salarium, seu honorarium ipsis datum, seu promissum, aut aliàs consuetum labori ac diligentiaë in negotio adhibitæ minùs respondeat, quodque Gratia, aut Iustitia publicum Regionis, vel Ecclesiæ bonum respiciat, aut alijs quibuscunque prætextibus in eadem Alexandri Constitutione damnatis, atque reiectis, vel forsitan in futurum pro excusatione allegandis, comprehendere; & ad casus etiam, in quibus pro Gratia, vel Iustitia apud quoscunque extra Romanam

Cu-

Curiam ab Apostolica Sede, vel ab Ordinarijs eiusdem Romanæ Curiae Iudicibus, aut etiã Apostolicæ Sedis Nuntijs, Legatis etiam de latere, & Prolegatis, specialiter delegatos obtinenda munera in Curia data, vel necessaria esse pro comparandis fauoribus apud eosdem delegatos, vel literis commendatitijs, tam ante, quàm post obtentam Gratiam, siue Iustitiam, etiam sub quibuscunque modo dictis prætextibus quomodolibet dictum, scriptum, assertum, & insinuatum fuerit, extendi & locum habere harum serie decernimus, & declaramus.

Contrauenientes verò vltra excommunicationis eidem Sedi reseruata, priuationis cuiuscunque Beneficij, & Officij Ecclesiastici, & Sæcularis, temporalis, siue perpetui, ac infamiæ pœnas in præfata Alexandri Constitutione contentas, etiam amissionis, seu extinctionis omnium & singularum pensionum Ecclesiasticarum forsitan obtentarum, nec non falsi, furti, & iniuriarum Magistratui publico illatarum tam iure communi, quàm Apostolicis Constitutionibus, & Bannimentis generalibus Status nostri Ecclesiastici contentis pœnis teneri, & tanquam veros fures & falsarios, ac Magistratui iniuriam inferentes puniri: Principales verò & Responsales cuiuscunque dignitatis & conditionis, tam Sæculares, quàm Ecclesiasticos, & cuiuscunque Ordinis, seu Instituti Regulares, etiam vigore quorumcunque priuilegiorum specialiter nominandos, vbilibet existentes, & pecuniam soluentes, transmittentes, aut solui, vel transmitti mandantes directè, vel indirectè ad effectum dandi munera, vel eorundem pretium pro Ministris Gratiæ vel Iustitiæ tam in Curia existentibus, quàm extra Curiam vt supra delegatis, nullo ex superius reiectis, vel aliàs forsan sub quocunque quæsito colore in posterum allegandis prætextibus eos excusante, vltra pœnas in dicta Alexandri Constitutione contentas, etiam nullitatis ipso iure Gratiæ, Decreti, Rescripti, vel Sententiæ, immo & amissionis causæ, crediti, vel iuris, super quo lis agebatur, ac perpetuæ inhabilitatis ad quæcunque Beneficia Ecclesiastica etiam de iure patronatus Laicorum, & ad alias quascunque gratias à Sede præfata in posterum obtinendas, incurrere; immo & in singulis prædictis casibus solum conatum ad earundem pœnarum incursum sufficere, etiamsi pecuniæ transmissæ non fuerint, sed tantum notulis, epistolis, aut aliàs quomodolibet à Principalibus in Partibus petita, vel ab iisdem Principalibus respectiue oblata, omnibus, qui rem adhuc incongnitam, complicesque, fautores, & socios retexerint, impunitate concessa, statuimus, atque decernimus.

Episcopos autem Archiepiscopos, similesque personas pœna dumtaxat in dicta Alexandri Constitutione specificata teneri volumus, & mandamus.

Reuelantibus verò, seu denunciantibus, dummodo indicia saltem ad torturam, vel ad transmittendam inquisitionem contra contumaces sufficientia subministrauerint, ducentorum ducatorum auri de Camera præmium ex eadem Camera nostra soluendum constituimus & assignamus.

Et

Et vt in posterum facile apparere valeat, quanam sint illi, qui in talibus notulis, & listis excedunt, vel quocunque modo contrahunt, volumus, & mandamus, vt quilibet Agens, Expeditor, negotiorum Actor, Procurator, seu quilibet Curialis, aut quicunque alius, vt supra ad Gratiam, vel Iustitiam in Romana Curia impetrandam vtcunque deputatus, etiamsi Ecclesiasticus, Sæcularis, seu cuiusvis Instituti etiam necessariò exprimendi Regularis, notulas, seu listas omnium & singularum expensarum, quoties eas Principalibus, seu Corresponsalibus extra Curiam transmittet, teneatur propria manu subscribere; & nihilominus post Gratia, seu Causa per sententiam, vel Decretum vim sententiæ habens, aut per rescriptum in quibuscunque Tribunalibus expeditionem, vel quancunque concordia, renunciatione, morte Principalis, aut alia quauis causa mediante, cessationem, exceptis dumtaxat negotijs, quæ in eiusdem S.R.E. Cardinalium, seu alijs Congregationibus extra folium, vt vocant, perfici solent, integram omnium & singularum expensarum per se, vel per alios in toto negotij decursu factarum notulam, ijs etiam repetitis, quæ in alijs notulis forsan vt supra transmissis continebantur, atque etiam summam certam pro honorarijs sibi debitis, nec non omnes pecunias à Principalibus, seu Corresponsalibus eo vsque habitas clarè & distinctè iterum propria manu subscribere, & ad dictos Principales, seu Corresponsales transmittere, eiusque copiam integram & vniformem intitulatam duplicatum notæ similis transmissæ in Partibus ad talem Principalem, seu Corresponsalem pariter propria manu subscriptam intra tres menses à die expeditionis, seu scientiæ cessationis negotii computandos, Notario Causæ, vel Officiali ad hunc effectum in quibuscunque Gratia Tribunalibus specialiter deputando reipsa exhibere, & consignare, soluta eidem congrua mercede ratione laboris tantum per deputatam à Nobis Congregationem taxanda de pecunijs Principalium, pro quorum indemnitate id agitur, vltra quam sub pœnis infra-scriptis nihil amplius accipere liceat; ipsi verò Notarij, & Officiales eandem copiam, seu duplicati exhibitionem in peculiari libro adnotare, ac præfatas copias saltem per decennium conseruare secretò, ita vt nemini nisi interesse habenti, vel denunciare intendenti, de expressa tamen Iudicis, seu alterius Superioris, apud quem negotium actum fuit, licentia ostendere, sub pœnis etiam corporis afflictiuijs, eorumdem Iudicum, vel Superiorum arbitrio infligendis, omnino debeant & teneantur.

Quod si prædictæ personæ, vt supra specificatæ, notulam, seu listam à prædicta ab ipsis subscripta diuersam & difformem transmiserint ad Principales, vel Corresponsales, vel transmiserint listam, seu notulam ab ipsis non subscriptam, & in epistola separata, vel per Nuncium, aut indirectè quocunque modo alias expensas, vel partitas addiderint; tunc si partita descripta in notula, seu epistola separata sint conficta, alterata, aut falsa, vel contineant munera data, vel danda Ministris Iustitiæ, vel Gratia, siue omnibus

nibus alijs personis expressis in d. Constitutione Alexandri VII. ultra omnes alias pœnas supra specificatas plecti debere tanquam veros fures, falsarios, & iniuria afficientes Magistratum respectiue pœnis furti, falsi, & similibus in iure, Constitutionibus Apostolicis, & Bannimentis generalibus Status nostri Ecclesiastici stabilitis contra veros fures, falsarios, & iniuria afficientes Magistratum iuxta qualitatem partitæ vel summæ alteratæ, falsæ, vel confictæ: si autem partitæ sint veræ, & non de prohibitis, non tamen descriptæ in duplicato in Actis exhibito vt supra; tunc tanquam contrauenientes huic Constitutioni plecti posse pœna arbitraria etiam corporis afflictiua ultra amissionem crediti arbitrio Iudicis vt supra, ad quem effectum easdem notulas, seu listas, aut etiam epistolas reorum manu subscriptas pro plenis probationibus habendas esse, vel in earum defectum probationes illas, quæ pro crimine Simonia euincendo de iure satis essent, sufficere statuimus, atque decernimus.

Itaque omnibus & quibuscunque, quos ad Romanam Curiam deinceps pro Gratia, vel Iustitia consequenda recurrere ex qualibet Mundi parte contigerit, liberum erit in posterum & expeditum, fidelem exactamque omnium pecuniarum à se in præfatis negotijs impensarum, & impendendarum rationem mediantibus notulis vt supra præscriptis exigere, ac vbi in ijs aliquid pro muneribus in præinserta Alexandri Constitutione prohibitis adnotatum reppererint, certò se à suis Actoribus, seu Procuratoribus deceptos & fraudatos agnoscere, adeoque à transmittendis pecunijs abstinere, sique se in præfatis notulis quouis modo grauatos prætenderint, apud Iudicem, seu Ministrum Causæ, vel Gratia, seu ad alium, quem maluerint eiusdem Romanæ Curia Iudicem Ordinarium (qui etiam ex officio, & per inquisitionem procedent) etiam mediante Procureto nostro Fiscali generali, cui, suppressis Principalium nominibus, agendi facultatem concedimus, instare pro iustitia consequenda, & prædictarum pœnarum executione.

Decernentes præsentis literas, & in eis contenta quæcunque, etiam ex eo quodd in præmissis interesse habentes, seu habere quomodolibet prætendentes, illis non consenserint, nec ad ea vocati, & auditi, seu causæ, propter quas eadem præsentis emanarunt, sufficienter adductæ, verificatæ, aut iustificatæ non fuerint, vel ex alia quantumuis legitima & priuilegiata causa, colore, prætextu, & capite etiam in corpore Iuris clauso nullo vnquam tempore de subreptionis, obreptionis, aut nullitatis vitio, vel intentionis nostræ defectu notari, impugnari, restringi, limitari, ad viam, seu terminos iuris reduci, aut aduersus illas quodcunque iuris facti, vel gratia remedium impetrari, seu etiam Motu proprio concessio quempiam in Iudicio vel extra illud vti, seu se iuuare villo modo posse: sed ipsas præsentis literas semper firmas, validas & efficaces existere & fore, ac ab omnibus & singulis prædictis, & alijs, ad quos spectat, & pro tempore quodcunque spectabit,

210
stabit, cuiuscunque qualitatis, dignitatis, ordinis, gradus, & conditionis extiterint, perpetuè & inuiolabiliter obseruari; sicque per quoscunque Iudices Ordinarios, & Delegatos, etiam Causarum Palatii Apostolici Auditores, ac Sanctæ Romanæ Ecclesiæ Cardinales etiam de latere Legatos, nec non Curia, & Urbis præfatarum Iudices, Officiales, & Ministros, & alios quoslibet quauis autoritate, & potestate fungentes & functuros, sublata eis & eorum cuilibet quauis aliter iudicandi & interpretandi facultate & auctoritate, iudicari & definiri debere, ac irritum & inane, si quid secus super his à quoquam quauis auctoritate scienter vel ignoranter contigerit attentari.

Quo circa vniuersis & singulis locorum Ordinariis per quæcunque Prouincias, & Regna Christiani Orbis constitutis, & quibusuis nostris & Sedis Apostolicæ etiam de latere Legatis, ac Vicelegatis præcipimus & mandamus, vt in suis quisque Ciuitatibus, Diocesis, Prouincijs, & locis præsentem nostram Constitutionem publicari, & inuolatè obseruari curent, & aduersus contrauenientes, siue Clericos, siue Laicos quacunque dignitate fulgentes, tanquam iniuriantes, & infamantes Curiam Ecclesiasticam Romani Pontificis, siue etiam Capitulares, seruata forma à Concilio Trid. præscripta, immo etiam cuiusuis Ordinis, aut Instituti etiam necessariò exprimendi Regulares, aut aliàs quomodolibet exemptos, & contra Abbates, siue alios quoscunque Prelatos iura quasi Episcopalia habentes cum territorio separato, ii, qui viciniore fuerint, tanquam nostri & Sedis Apostolicæ in hac parte specialiter delegati per viam accusationis, vel denunciationis, aut inquisitionis, & ex mero officio, prout eis videbitur, procedant, reosque culpabiles repertos condignis pœnis, vt supra afficiant, inuocato etiam, si opus fuerit, auxilio Brachii Sæcularis.

Non obstantibus de iure quæsito non tollendo, ac cæteris nostris, & Cancellariæ regulis, aliisque Constitutionibus, & ordinationibus Apostolicis etiam Conciliaribus, nec non earumdem Urbis, & Curia, earumque Tribunalium, & aliis quibuslibet, etiam iuramento, confirmatione Apostolica, aut alia quauis firmitate roboratis statutis, consuetudinibus etiam immemorabilibus, priuilegijs quoque, indultis, ac literis Apostolicis, sub quibuscunque verborum tenoribus & formis, ac cum quibusuis etiam derogatorijs, & aliis efficacioribus, & insolitis clausulis, & decretis etiam irritantibus, in genere, vel in specie, etiam motu simili, & consistorialiter, ac aliàs quomodolibet in contrarium præmissorum concessis, confirmatis, & innouatis. Quibus omnibus, & singulis etiam si pro sufficienti illorum derogatione de illis, eorumque totis tenoribus specialis, specifica, expressa, & indiuidua, ac de verbo ad verbum, non autem per clausulas generales idem importantes, mentio, seu quæuis alia expressio facienda, aut aliqua alia exquisita forma ad hoc seruanda foret, illorum omnium, & singulorum tenores, formas, & occasiones, ac alia etiam speciali expressione digna præsentibus pro plenè & sufficienti-

ficienter expressis, insertis & seruatis respectiue habentes, illis aliàs in suo robore permansuris ad præmissorum effectum specialiter & expresse derogamus, ac derogatum esse volumus, ceterisque contrarijs quibuscunque.

Vt autem eadem præsentis literæ omnibus innotescant, & nemo illarum ignorantiam allegare valeat, volumus, vt illæ, seu earum exemplum ad valuas Basilicæ Principis Apostolorum, ac Datariæ nostræ, Curie generalis, & Cancellariæ prædictæ, nec non in acie Campi Floræ de eadem Vrbe per aliquem ex Cursoribus nostris, prout moris est, publicentur & affigantur, quæ sic publicatæ & affixæ omnes & singulos perinde afficiant, ac si illis personaliter intimatæ fuissent.

Quodque illarum transumptis etiam impressis, manu Notarii publici subscriptis, & sigillo alicuius personæ in Ecclesiastica dignitate constitutæ munitis eadem prorsus fides in iudicio & extra illud adhibeatur, quæ ipsis præsentibus adhiberetur, si forent exhibitæ vel ostensæ.

Nulli ergo omnino hominum liceat paginam hanc nostræ confirmationis, approbationis, innouationis, restitutionis, reintegrationis, decretorum, declarationis, statutorum, voluntatum, mandatorum, constitutionis, assignationis, præcepti, & derogationis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac Beatorum Petri, & Pauli Apostolorum eius se noverit incursurum. Datum Romæ apud S. Mariam Maiorem Anno Incarnationis Dominicæ millesimo sexcentesimo nonagesimo nono, tertio Kalendas Februarii, Pontificatus nostri Anno nono.

B. Card. Prodatarius.

I. F. Card. Albanus.

Visa de Curia C.A. Fabronus.

Phil. Porta.

Registrata in Secretaria Breuium.

Loco † Plumbi.

Anno à Natiuitate Domini Nostri IESV Christi millesimo septingentesimo, Indictione octaua, die verò octaua Februarij, Pontificatus autem Sanctissimi in Christo Patris, & Domini Nostri Domini INNOCENTII Diuina prouidentia Papæ XII Anno nono: Supradicta litera Apostolica affixæ, & publicatæ fuerunt ad valuas Ecclesiæ S. Io: Lateranensis, Basilicæ Principis Apostolorum, Cancellariæ Apostolicæ, Curie Innocentianæ in Monte Citatorio, & in Acie Campi Floræ, ac alijs locis solitis, & consuetis Urbis per me Io: Philippum Castigliamentum eiusdem Sanctissimi D. Nostri Papæ Cursorem.

Decius de Camillis Magister Cursorum.